

p. 76 : 4【**矜嶮**】行不正也。孤單、孤立的樣子。同『伶俜』。《妙法蓮華經》卷 2〈4 信解品〉：「此是我子，我之所生。於某城中、捨吾逃走，矜嶮辛苦五十餘年，其本字某。我名某甲，昔在本城懷憂推覓，忽於此間遇會得之。此實我子，我實其父。今我所有一切財物，皆是子有，先所出內，是子所知。」(T09, p. 17, b10-15)

p. 76 : 4【**問橋戀筏**】**【問橋】**徒然無益之發問。此語典故係佛陀為勸說莫多問於身無利益之事，而敘述過去世曾為一比丘，因常生無窮疑問，終誤失真正之利益。據《大方等陀羅尼經》卷三所載，此一比丘因甚貧窮，欲往大布施會所，於途中就所見而生種種愚問，如橋何人所作等，作七千八百問，因此耽誤至會所之時間，以致所需物品蕩然無餘，終無所獲而歸。摩訶止觀卷十下：「方等云：『種種問橋，智者所呵。』」～《佛光大辭典》《景德傳燈錄》卷 10：「已到岸人休戀筏，未曾度者要須船。」(T51, p. 279, c21)

p. 76 : -4【**血書**】以血書寫經文。如梵網經卷下所載：「剝皮為紙，刺血為墨，以髓為水，析骨為筆，書寫佛戒。」(T24, p. 1009, a) 又如大智度論卷十六所載：「若實愛法，當以汝皮為紙，以身骨為筆，以血書之。」(T25, p. 178, c) 後世以血書寫經文之風，蓋基於此。～《佛光大辭典》

p. 78 : 5【**不輕行**】《法華經》卷 6〈20 常不輕菩薩品〉：「有一菩薩比丘名常不輕。得大勢！以何因緣名常不輕？是比丘，凡有所見——若比丘、比丘尼、優婆塞、優婆夷——皆悉禮拜讚歎而作是言：『我深敬汝等，不敢輕慢。所以者何？汝等皆行菩薩道，當得作佛。』而是比丘，不專讀誦經典，但行禮拜，乃至遠見四眾，亦復故往禮拜讚歎而作是言：『我不敢輕於汝等，汝等皆當作佛。』」(T09, p. 50, c16-23) 《法華文句》卷 10〈釋常不輕菩薩品〉：「內懷不輕之解，外敬不輕之境，身立不輕之行，口宣不輕之教，人作不輕之目。不輕之解者，《法華論》云：此菩薩知眾生有佛性不敢輕之。」(T34, p. 140, c6-9)

p. 79 : 1【**乾慧地**】《首楞嚴經》卷 8：「欲愛乾枯，根境不偶，現前殘質，不復續生，執心虛明，純是智慧，慧性明圓，瑩十方界，乾有其慧，名乾慧地。欲習初乾，未與如來法流水接。」(T19, p. 142, a5-8) 《楞嚴經正脈疏》卷 8：「末二句。正明不受後有也。現前殘質。果縛僅存也。不復續生。子縛永絕也。蓋續生。以根境為因。欲愛為緣。乾枯不偶。則因緣雙絕。果報無托。不受後有。」

復何疑哉。此顯實分段身已盡。無界內繫縛也。」(X12, p. 403, a1-5) 《楞嚴經圓通疏》卷 8：「現前下。謂由欲愛乾枯則於世間永無相生相殺之業。故此身若謝。來報不生。準天台。以五濁輕重分同居淨穢。今五濁既輕。即當捨穢而趣淨矣。」(X12, p. 882, b19-22)

p. 79 : 3【情想昇沈】《首楞嚴經》卷 8：「一切世間生死相續，生從順習，死從變流，臨命終時，未捨暖觸，一生善惡俱時頓現，死逆生順，二習相交。純想即飛，必生天上，若飛心中，兼福兼慧及與淨願，自然心開，見十方佛，一切淨土隨願往生。」(T19, p. 143, b14-18) 《首楞嚴義疏注經》卷 8：「別明情想昇沈五：一明純想。二情少想多。三情想均等。四情多想少。五純情。」(T39, p. 934, c16)

p. 79 : 7【流通分】《首楞嚴經》卷 10：「若復有人身具四重、十波羅夷，瞬息即經此方他方阿鼻地獄乃至窮盡，十方無間靡不經歷；能以一念將此法門，於末劫中開示未學，是人罪障應念銷滅，變其所受地獄苦因成安樂國，得福超越前之施人百倍千倍千萬億倍，如是乃至算數譬喻所不能及。」(T19, p. 155, a20-26) 《首楞嚴義疏注經》卷 10：「末世多障。能於此時弘此極談。信解真正。實希有故。施福唯得生死之報。仍但自利。弘經法利能至無漏。能令聞者信解無謬。展轉利樂。無窮盡故。由是一念雖少。其利博哉。是故能勝前寶施福。」(T39, p. 967, b5-9)

p. 80 : 1【妙法】《大部妙玄格言》卷 1：「十界十如是之法無非妙者，以一當體皆圓融三諦故也。」(X28, p. 431, b10-11) 智者大師釋『妙』有「迹門十妙」、「本門十妙」，詳見《法華文句記》、《法華玄義釋籤》。

p. 80 : 1【普門】《觀音玄義》卷 2：「唯圓教教觀實相法門能遍十法界、千性相。三諦一時圓通。圓通中道。雙照二諦。獨稱為普門也。」(T34, p. 888, a1-3) 《觀音經玄義記會本》卷 3：「三千之法即空假中。乃以所通而為能通。門外無理。能所泯亡。此之妙門。普義成就。」(X35, p. 70, a8-9)

p. 80 : 4【見惜】《百丈清規證義記》卷 7，池神告林中蓮花池邊經行比丘：「世間惡人常在罪垢糞中。不淨沒頭。我不共語也。汝是禪行好人。而著此香。破汝好事。是故呵汝。譬如白氈鮮淨。而被黑物點污。人見皆惜。彼惡人者。譬如黑衣點墨。誰見惜耶。此護戒之極微極細者也。」(X63, p. 480, b23-c3)